

香山縣志卷十六

列傳

忠義

謹按暴志人物各分門類而祝志不分死事者仍入列傳不別出今按自道光咸豐以來四郊多壘其禦災捍患冒鋒刃而死者眾矣郡縣忠義祠既已俎豆之載之志書宜也專立一門亦史例也是可以觀世變而知民志之所存也

潘永泰

譚占南

譚就

韋允升

雷兆成 等十三人

鄭彪

劉炳南

韋楠暉

何植光

蔡占春

何冠千

方康

香山縣志卷十六

列傳 忠義目

何百壽

黎紹章

袁仕昌

馮煥斌 黃北之松

楊懷安

何岳澧 子名彰

毛飛鵬

歐炳釗

何時敏

劉游在

馬曰仁 馬可潤

鍾順寬

李肇基

何觀元

袁昌傑

何朝亮

陳逢元

何鏡清

劉得清

韋敬章

何煌

許榮彪

林源材

陸炳光

鄺大勝

盧友章

盛世昌

黃江杭

鄧應魁

黃秉良

黎源

胡慕超

李天祥

陳觀光

劉振伍

張見恩



李鍾祿

劉元發

李戊

楊郁

馮勝標

兵勇附末

潘永秦字恆樹伯父慶自有傳由行伍拔補香山協右營把總署水師提標中右營把總道光二十年調守虎門鞏固礮臺二月初六日英夷入寇永秦拒戰中礮死事聞

賜

卹廕子后昌龔雲騎尉祀昭忠祠

採訪冊

譚占南會同村人道光乙巳十二月海寇夜劫其村占南聞

警先出殺數賊賊稍卻矣忽復擁至圍占南身被數十創猶

奮鬪殺賊至死鄉人感其義勇歲時祀之

譚就字兆華北嶺人道光己酉七月西洋夷酋犯獅山礮臺

就率鄉人從官兵拒戰死

韋允升字東暄翠微人少習兵法尤嫻擊刺目視日不瞬怒

香山縣志 卷十六 列傳 忠義

二

則鬚眉盡張由監生捐千總中道光戊子科武舉以材武受

知於湖廣總督周天爵奏留在楚教授兩湖軍提督羅思舉

聞其名置酒邀周及允升曰吾帳下健兒數十輩皆絕倫請

相校為樂先是周延山東技師孔某教其子命與允升校允

升勝之至是皆勝羅因解寶刀贈允升曰此吾征川楚白蓮

教時所用以立功者也數十年未嘗相離今老矣願以相贈

由是允升名動齊楚蜀閩周屬允升助其捕盜楚有朱氏女

者豪役聞其美而圖之殺女兄女控官吏受賕事幾寢允升

獲兇手雪其冤復擒治多盜周奏請獎部議著回籍以營千

總卽用道光二十一年英夷破虎門總督祁墳知允升能命

募民數千營列新菴山朝夕訓練旋以議和罷退居於家後

寇警四起縣令屬允升團練衛鄉里幾十年大鵬副將葉常

春請補大鵬營千總允升辭不就天爵自允升返無當意者  
適廣西長髮賊猖獗諸將血戰無如何天爵慨然曰微允升  
誰與分憂者召允升募勇速赴援時賊嘯聚十餘萬允升部  
下僅五百人所至身先士卒斬偽先鋒廖八生擒數百擊斃  
無算賊望見香山草勇旗幟輒退走秋七月初十日進攻桂  
平縣之新墟奪賊礮臺直撲賊壘賊患其恃勇宋人伏莽火  
攻之允升裹創轉戰踰數晷後軍不繼死之從者鄭啟祥梁  
廣源等皆陷歿西軍爲之奪氣

欽差賽尙阿烏蘭泰  
賜卹廕子達文襲雲

騎尉祀昭忠祠

雷兆成雷伯成雷天枝雷成珍雷月雷象雷成南雷道生雷  
天簡雷天堂雷天齊雷成宇郭景十三人俱沙涌渡頭村民

香山縣志 卷十六 列傳 忠義

三

也道光二十一年二月英夷犯境村人雷成宰等守下閘礮  
臺不能禦夷入村帶劍攜火鎗大肆淫掠十三人憤甚帥雷  
天規雷天輝雷成就雷天南雷成蘭等出奮力擊之大呼聲  
震林谷倉卒無鎗械各執耰鋤殊死鬪夷揮劍殺數人繼然  
火鎗環擊皆死之夷恐諸鄉人至乃遁天規五人負傷追之  
不及而還同時戰歿者有雷劉氏見列女傳

鄭彪字仲安蓮塘人由行伍拔補香山協右哨外委千總道  
光十九年從副將惠昌曜擊英夷於前山關闢負重傷幾斃  
二十六年巡海迭獲鄰境巨犯阮亞占等二十八年巡海至  
白排洋颶風大作帆偃舵工力不支彪奮力助舵工猝爲帆  
壓溺斃船得不沈存活甚眾事聞 給子葬祭銀兩祀  
廣州昭忠祠彪在營十餘年精勤勇往遇賊奮不顧身所向

皆捷勞績卓著卒年二十八

俱同上

劉炳南字亮勤北門人事親孝少有奇氣喜吟咏遇忠孝節  
烈事則慷慨發爲詩歌年十五從仲兄奮南赴山海關通判  
任與北士畸人俠士游論兵事聞者駭服閱四載歸應童子  
試不售納監捐未入流職道光二十一年英夷犯省督撫徵  
兵炳南募拖船二十民勇五百赴援距省城十里有東滸爲  
入省咽喉地軍府檄炳南禦之時夷兵悍甚炳南帥死士衝  
戰夷多死退走獅子洋靖逆將軍奕山深器之奏加大品銜  
賞戴藍翎旋議和罷兵炳南蒿目時艱益奮勵凡出  
奇設險悉規畫而識之見香山城惡曰城瀕海一杭可薄倘  
宵小猝至何以守遂倡議修治之躬自巡功旋加捐府經歷  
分發湖南甫抵楚大饑上官議賑知其才檄署長沙縣丞司

香山縣志

卷十六

列傳

忠義

四

賑務炳南設賑所四兼施藥餌存活甚夥賊首李沅發寇寶  
慶據新甯縣城巡撫馮德馨檄督糧道楊炳堃鹽法道雷成  
樸剿辦以炳南有膽略特命與守備熊釗領兵四百駐新甯  
之崑山甫立營謀報賊由大絹峒之左八角亭踰嶺炳南與  
熊釗及都司張心銘守備周萬遠帥兵追之至半山賊冒險  
衝突炳南奮臂大呼士皆爭先賊受戈矛流矢墮溪谷死者  
無數生擒其頭目李承莫等十一人賊大奔窮追至羅遠崗  
地險巖賊伏起來擊楊雷擁重兵相距甚近而不救援士卒  
死傷如積炳南猶裹創血戰所殺過當賊奮擊斷其脰熊釗  
亦死之時道光二十九年十二月初五日也年三十六炳南  
旣死賊見其屍戴藍翎大恚恨復斷其頭剗刃其腹馮聞之  
反怒其輕進不爲請卹後湖南軍事日壞爲言官所劾馮落

職楊雷皆遣戍咸豐二年巡撫駱秉章莅事其家人赴楚陳

狀駱奏聞

賜卹廕子定璈襲雲騎尉並祀楚粵昭忠

祠

採訪冊參張維屏劉少尹事畧

章楠暉字勳鴻翠徵人道光二十六年客上海由監生捐布政司理問銜咸豐三年蘇松道吳健彰檄帶來板船勦賊鎮江獲勝秋八月上海不守檄調回滬隸江蘇巡撫詐乃釗水營先後力戰積勞成疾彌留之際猶指空罵賊以賊未滅為憾冬十月二十九日卒於軍事聞上諭照軍營病故

例

賜卹加贈都察院經歷銜

採訪冊

何植光字澤敷西門武峰里人納監捐從九品職分發廣西道光二十六年奉檄梧州捕盜丁父憂回籍二十九年服闋署昭平縣樟木司巡檢以能稱咸豐四年艇賊梁培友竄擾

香山縣志

卷十六

列傳 忠義

五

梧州植光帶拖署船堵勦閏七月初五日戰於梧州江賊不能敵乃通其船戶執之植光不屈賊以布漬油裹其身倒懸燒殺之年三十九事聞賜卹廕子慶齡襲雲騎尉祀

昭忠祠

蔡占春上柵人咸豐三年赴江南軍營充勇從勦有功四年

補把總五年升千總

賞戴藍翎六年升守備七年升

補江蘇南匯營都司八年卒於軍

何冠千小欖人監生錦芳子咸豐四年逆賊煽亂七月初間有賊潛詣欖鄉約期舉事冠千偵得其情奔報公約捕其二賊搜得偽印八卦圖等物解縣置之法初十日亂作賊黨李閏喬簡建朝等惡冠千之洩已謀也毀其廬撻之數百幾死隨欲留為書吏冠千罵賊不為屈不食七日死欖人義之附

祀義勇祠

方康濠涌人縣學生性廉謹咸豐四年紅賊四擾鄉紳募勇守永固礮臺以康能撫其鄉族齒且長延董戰守事屢卻賊冬十二月十二日以勞病卒

何百壽字興頤小欖人霑益州吏目禧子少隨父宦滇南長回里咸豐四年七月初十日爲紅賊所擄罵賊赴水死年二十二

黎紹章字凱超大黃圃人咸豐四年紅賊蜂起所至殺掠紹章籌費堵禦鄉民賴以無恐十一月賊首黃福擁眾至紹章先登禦賊殺賊數百相持十餘日賊益眾力竭鄉遂陷紹章罵賊死事平鄉民建祠祀之

袁仕昌海洲人從軍著勞記名外委咸豐四年從都司馮元香山縣志

卷十六

列傳 忠義

六

亮攻破蔗圍石橋頭梁邊賊礮臺加六品頂戴再克復沙口佛山平洲陳村順德縣城馮稱其奮勇爲營伍最請補把總六年從征北江卒於軍祀順德忠勇祠

馮煥斌黃北松俱潭洲人儉勤力穡咸豐甲寅秋八月賊黃福等犯潭洲之嶺東村北松先拒擊煥斌繼之追賊海岸獲其船一復由捷徑截其餘賊並中鎗斃鄉人義之勒碑義學紀其事建祠祀焉

楊懷安字其謙潭洲南村人由監生捐州同銜有勇略咸豐甲寅賊起鄉人舉爲堡正司團練十二月二十日順德東義賊攻潭洲嶺東村懷安與生員馮錫洪練目簡才超率鄉勇赴援男婦偕出賊眾數百望見牛山似遍樹旗幟遂驚遁追獲其大船一小船二賊自是不敢復窺嶺東而懷安甚設

伏于草間使奸細詭言有數船泊港口誘之出懷安狂於前勝督勇往捕伏起戕之棄屍於水流至橫檔村海是夕其家人夢懷安告之故如其言求之獲歸葬鄉人祀焉

何岳澧城內人由香山協左營馬戰兵歷升大鵬協營把總署千總咸豐四年春二月派隨山東登州鎮陳由粵東運礮湖南 欽差會國藩留岳澧幫帶兵船勦賊秋七月十

六日擊賊岳州江與長子名彰同遇害事聞 賜卹廕

子朝珍襲雲騎尉祀昭忠祠名彰大鵬協左營守兵

毛飛鵬字佐勳北門人父國斌自有傳承襲雲騎尉投營効力補香山協營外委把總咸豐四年調赴廣西從按察使張敬修勦捕閩七月十二日進攻陽朔縣龍珠寨戰歿事聞

賜卹廕子兆翎襲雲騎尉祀昭忠祠

香山縣志

卷十六

列傳 忠義

七

歐炳釗古井人由行伍補香山協營外委歷升把總千總記名守備咸豐四年署左營守備副將劉廷光信任之紅賊之役督兵守港口閏七月十五日賊大至伏礮攻其前詭道襲其後力竭死之事聞 賜卹廕子天德襲雲騎尉祀昭

忠祠

何時敏旗都人香山協左營額外外委咸豐四年知縣邱才穎委時敏在邑城團練局帶船勦捕閏七月十五日賊陷港口十七日時敏隨官兵克復礮傷踰數日歿

劉游在隆都人道光間港口居民延爲堡正遂家於港口咸豐甲寅秋賊破港口脅游在裏紅巾游在大怒罵賊殺之妻蘇氏子天祿婢李靜蘭皆遇害游在年七十餘靜蘭甫八歲聞者哀之

馬曰仁馬可潤俱張家邊人充東鄉勇自曰仁善擊刺咸豐四年十二月二十一日紅賊數千突入其鄉練勇倉卒未集曰仁與可潤出拒賊眾悉靡追及海濱賊伏兵起鎗中其股仆猶殺十餘賊乃死賊熱曰仁屍斷可潤頭足官民哀之爲設奠焉

鍾順寬小欖人工書能作壁窠大字性至孝祖母吳病劇順寬年十七剗臂肉和藥療之病輒愈咸豐甲寅紅賊亂投守備李仲文帳下有功授六品銜賊平從仲文征廣西值潮勇爲亂攻李營順寬率勇數十禦之戰死仲文函其屍歸

李肇基大欖人慕游浙江温州道光二十五年遵豫工例由監生捐縣丞分發廣西未赴咸豐五年赴廣德州投軍營効用帶勇防賊建平陣亡時咸豐五年六月初七日也

香山縣志

卷十六

列傳

忠義

八

何觀元字品新少善騎射好讀孫吳書弱冠補武生有相者謂曰君貌當大貴努力爲國毋忘吾言中道光壬辰武舉丙申進士由侍衛授貴州石阡營都司以功遷古州鎮遊擊咸豐初帶兵征湖南長髮賊歷任平越大定兩營遊擊兼代理鎮遠總兵觀元所至撫循士卒軍政肅然黔省土苗雜處有魚頭壳者本撫幕爲官所逐遂煽苗爲亂聚眾數萬圍古州城時兵羸糧缺觀元勵以忠義皆感奮登陴乘間出城擊賊斬獲無算圍遂解賊窺古城凡四年卒不能破觀元力也大吏錄其功題陞松桃鎮副將咸豐六年七月賊復來寇觀元率兵禦之窮追轉戰賊眾我寡力竭死之麾下兵皆戰死事聞賜卹廕子世龔雲騎尉祀昭忠祠觀元忠義性成每談古人忠孝事輒激昂慷慨四座爲之動容及守邊疆禦



悍賊裹創血戰卒以身殉論者謂不負所言云  
袁昌傑海洲人性剛健好義咸豐四年鄉人附賊爲亂昌傑  
倡捐團練率其子破賊巢擒獲多賊解官置之法鄉閭稍安  
五年逸賊潛回昌傑身先出拒被戕年七十一知縣邱才穎  
請卹以六品頂戴厚葬之

何朝亮字品鑑小攬人年二十六由監生報捐營守備道光  
二十六年授安徽撫標右營守備署池州營都司咸豐元年  
陞壽春鎮中營遊擊二年護理壽春鎮總兵三年實授壽州  
都司髮賊擾安徽巡撫江忠源聞朝亮能欲調至廬州勦賊  
九月賊船由柘皋運米其大隊泊巢縣東關聞官軍至奔運  
漕北朝亮擊之賊走裕溪遂復巢縣當舒興阿之援廬州也  
城垂破而臬司張印塘檄朝亮與總兵楊青鶴分路赴救朝

香山縣志

卷十六

列傳

忠義

九

亮率所部健卒八百由中路進賊立木城拒官軍攀援直上  
賊分兩路來襲官軍撤攻回擊守備包紀功伏兵攻其後朝  
亮攻其前遂大敗之十二月復調回廬州禦賊朝亮晝夜兼  
程行中途爲賊所阻朝亮力戰奪隘及至廬州而城已陷

上命江南提督和春爲

欽差大臣福濟爲巡撫

辦理安徽軍務責令先復廬州和春福濟檄朝亮帶兵由左  
路攻廬州北門晝夜力戰連奪城外賊營親擒僞丞相陳宗  
勝五年三月和春福濟奏朝亮攻勦尤爲出力奉

旨

賞戴花翎五月朝亮偕同知江忠濬等復攻北門六月和春  
親督各營進勦十九日直抵賊壘爲賊所困朝亮帶隊爭先  
奮擊力卻悍賊三人賊營眾寡不敵力竭被戕年三十二事  
聞

賜卹予雲騎尉世職恩騎尉世襲罔替事跡宣付

國史館纂入忠義傳祀昭忠祠同治初給事中潘斯濂奏

朝亮死事尤烈

賜立專祠同治十二年二月

賜諡勇烈

陳逢元字璽尊南山人充香山協右營行伍記名外委道光二十六年調赴廣西軍營勦賊著勞以外委拔補加六品頂戴咸豐五年補本協左營外委把總七年冬十月調從順德協衛佐邦赴省購礮勦西寇適英夷佛夷犯省城逢元奉檄督勇於大東門外東山廟迎擊十一月十三日夷大至逢元礮轟之夷多死夷怒然長礮還擊中逢元左頰折左脛而死事聞

賜卹廕子承德襲雲騎尉祀昭忠祠

何鏡清小欖人納監捐未入流分發江西投進賢縣典史咸豐七年賊擾進賢鏡清守北門賊破城因鏡清於劉將軍廟香山縣志

卷十六

列傳

忠義

十

逼取鈴記鏡清罵賊不絕賊怒剜眼割耳屠腹抽腸分裂手足死事聞

賜卹廕子國祥襲雲騎尉祀昭忠祠

劉得清隆都人由佛山協右營行伍記名外委勦賊屢立戰功奏以千總補用加五品藍翎調駕紅單船征江南髮賊咸豐七年春正月初八日攻燬雙港賊營中礮死之事聞

賜卹贈守禦所千總銜廕子長泰襲雲騎尉祀昭忠祠

韋敬章翠微人道光二十一年英夷寇省城敬章以武生投營効力隸翼長川北鎮守西礮臺轟擊夷兵多斃給六品頂戴補提標後營步戰兵二十二年歷補陸路提標外委把總千總旋署右營把總補永安營把總調提標把總從提督軍獲英清戕官賊總督徐廣縉以敬章年強幹練升補和平營千總提督祥□□以敬章諳提營軍事咨留補提標中營千

總署惠州協右營守備從征英清賊咸豐元年春正月從提督陶口口征廉欽賊三月攻陸屋墟殺賊首陳士好等四百人奪其礮械移兵小董駐防而賊劉八復竄回將軍命敬章追之夏四月及之於五里亭殺賊十餘人生擒七人及之於博白沙河殺賊五百餘生擒三百餘獲軍仗無算六月及之於早禾涌五王嶺殺賊三百餘又及之於北寨遂合諸軍獲劉八及其弟劉九新浦賊那芹擾公容墟二十餘戰合諸軍克之擒斬殆盡總督徐廣縉巡撫葉名琛上其績 賞戴藍翎陞守備咸豐二年攻那鴻那練於細梭殺賊數百生擒二十餘復合諸軍獲賊李士清李士芳等全隊撲滅奉檄統帶提標兵留防小董徐葉再奏奉 旨換都司頂戴

咸豐三年春正月勦賊安徽著績 賞戴花翎補遊擊

香山縣志 卷十六 列傳 忠義

復合諸軍克復無為州城東關巢縣奉 旨俟遊擊補

缺以參將儘先補用隨補潮陽營遊擊四年秋七月從征廣州舒城先後數十戰殺賊甚多奉 旨從優議敘咸豐

七年二月初二日賊攻桐城敬章出戰衝鋒陷敵死之事聞

賜卹廕子祥泰襲雲騎尉祀昭忠祠

何煌字星華城內人少習制舉業屢試不售與葉常春陳國

泰善改就行伍記名外委候補咸豐四年從國泰舟師駐防

江南咸豐五年春三月擊賊三山江獲勝 欽差向榮

上其績以千總升補 賞戴藍翎七年春三月攻抵蕪

湖石壘煌親兵往捕煌繼入賊擊斷其右足沈之於水

許榮彪泮沙人咸豐四年三月從都司李揚陞赴廣西軍營

兵按察使張敬修知其勇選充親兵隊長克復陽朔荔浦二

縣解平樂府圍賞給六品頂戴以外委遇缺儘先補用沿途克復修仁昭平藤縣擊退梧州艇賊記名以把總拔補五年夏調回廣東解封川德慶肇慶城圍榮彪與焉八年十月從兄連陞領勇赴西江會勦充哨長解廣甯城圍平桂口上下塆賊巢三十餘處九年夏從勦開建伍村大逆賊巢與賊首陳金剛鏖戰累日每戰榮彪獨當前鋒擒賊奪軍資器械無數督兵肇羅道劉式恕請加五品頂戴藍翎十年春駐兵封川之猿嶺迺三月初三日賊先設伏迺逼我軍甫接戰伏悉起我軍陷連陞傷榮彪衝擊不能出遂戰死年二十有八暴屍於猿嶺之陽賊去民見之曰此許哨長屍也吾西江人受賜多矣相與匿而埋之逾月大軍破賊民歸其屍面如生

香山縣志

卷十六

列傳 忠義

三

材倡議修之並捐置祀產咸豐甲寅小攬亂其同學生李濟先來縣城避難廢所投託藻材慨然留之賊攻省城林福盛募勇赴援藻材佐之省城北門外賊盡平賞給六品頂戴九年春從福盛勦賊廣甯正月二十五日賊厚集於其軍藻材所率兵奔北藻材後爲賊所及罵賊不屈刃交下死之事聞賜卹廕子召經襲雲騎尉祀昭忠祠

陸炳光香山協右營儘先補用守備

賞戴花翎咸豐

八年夏五月從

欽差張國樑勦賊金陵九年三月十

六日戰歿

鄺大勝小濠涌人咸豐元年從韋允升勦賊廣西有功給六品藍翎撥香山營候補把總九年從把總鄭椿華外委黃順安勦賊東江四月十五日攻長甯縣層坑長髮賊戰死

盧友章員峯人縣學武生投充香山協營行伍補右營外委咸豐九年春三月從副將楊雄超勦西江諸賊七月初旬登岸連戰賊擲火器撲友章傷初九日歿於軍

盛世昌字蘭榮唐家鄉人遷居澳門慷慨勇敢咸豐四年從江南提督張國樑義勇軍拔充隊目駐七寶橋七月金陵長髮賊來犯世昌殺賊塞旗從大軍移勦太平府賊二十一日直抵府城東門之外焚賊營二殺其門者入東門出西門焚賊糧艘數百擒偽丞相莫大烈克復太平賊分道出上方橋高橋門印子山再撲七寶橋軍營世昌奉檄援勦與賊連戰中矛傷猶殺數賊

欽差向榮獎以六品頂戴五年春

赴閩省報捐千總分發廣東留軍未赴十一月調赴仙鶴門棲霞山東陽一帶邀擊斬獲數賊傷左股六年二月從大軍

香山縣志

卷十六

列傳 忠義

三

攻下蜀街周郎橋焚賊營二斬賊目奪其黃旗三月進討高資之賊掃其巢穴擒偽指揮李年四月從大軍援六合渡江至六合縣龍池賊設伏以陷官軍世昌單騎馳突然兇銃斃黃衣賊渠三復斃數悍賊擒偽先鋒陳蛟我軍始達六合世昌是月出資助餉授守備銜江右之賊已撲甯國高瀆指秣陵關世昌從援軍西還勝之五月從援鎮江京峴山軍營又勝之提督令襲賊世昌潛踰重溝火其營賊駭遁六月小丹陽之賊據漂水世昌從援軍連戰一月破之於黃土橋焚賊營七七月移勦金壇賊世昌夜負火藥潛渡重營入金壇城內外夾擊大破之七年五月追至句容城外世昌如前潛渡縱火緣城先登殺賊守者大軍繼入遂復句容乘賊攻磨盤山虎頭山賊營又破之

欽差和春以世昌連戰四年

入險攻取列狀陳奏

上諭賞戴藍翎八月大軍圍復

鎮江移駐高資偽將李秀成全隊來爭世昌復潛渡縱火十月焚其紅旗橋營十一月焚其竹里廟營遂復鎮江以守備儘先補用十二月大軍移指金陵世昌助攻洪山康家墳下馬牌金川門賊營皆勝十年正月補廣東陸路提標右營守備仍留軍未赴大兵與賊戰於陵子口敗績六十營俱潰世昌力戰死之

上諭贈都司銜以都司例

賜卹

廕嗣子文康龔雲騎尉祀昭忠祠

黃江杭造貝人由義勇游保守備咸豐八年江西陣亡

賜卹廕子龔雲騎尉

鄧應魁上柵人咸豐二年投江南吳淞水師營先是應魁以元年獲黑沙嘴洋盜十四人補吳淞營外委從軍赴浙獲劫

香山縣志

卷十六

列傳 忠義

十四

山東營船賊升蘇松鎮標右營把總旋以熟識夷情調回吳淞營獲大川沙鹽犯給千總頂戴二年十二月調領上海舟師勦賊蕪湖三年春連戰於蕪湖下關獲勝

賞戴藍

翎署中營千總又獲賊黃天福施秀發陳同泰等及船械於鎮江洋獲賊馬宜富等於北固山賊以火箭傷其左目升福山鎮左營千總四年擊賊於瓜洲儀徵九洑洲七星洲生擒蔣興達等四十餘賊焚其船筏五年正月戰於下關斷其橫

江鐵鎖

欽差向榮奏換守備頂戴五月克東山梁山

又克蕪湖六月至九月戰於荻港飯籬山裕溪口神灘河擒黃心田等十三人獲其米菽火器補南匯營守備十二月擊賊於棕陽欄江磯破之擒頭目二十四獲其大礮藥彈七年十二月戰於大通衝破賊營斬殺四百餘擒頭目郝春榮等

八年四月擊賊無爲州之士橋破青山灰河賊壘二躬負囊  
土填塹騰越而過拔土橋大石壘擒廖萬元等應魁兩股亦  
傷五月六月戰於神塘河泥汊橫山河 欽差和春以

應魁屢次奪船破壘斬獲無算奏奉

上諭以應升之

缺儘先升用八月復戰於梁山磯破賊壘斬首三十一十月  
連戰於大通紅楊樹獲礮及硝磺偽印二十七又戰於六百  
丈燒賊船三十三九年三月戰於青溪口獲賊船二五月戰  
於長龍山十月兩江總督何桂清奏補江南南匯營都司十  
年八月初三日賊攻太倉州朝陽門應魁馳救中鎗歿事聞

賜卹加贈遊擊銜廕子啟璜襲雲騎尉祀昭忠祠

黃秉良字焯理南倉街人咸豐四年從陳國泰充勇江南勦  
賊有功給六品頂戴以外委儘先補用十年九月初九日進  
香山縣志 卷十六 列傳 忠義 五

攻中礮斃年二十五

黎源字應科西坑人修幹颯爽綜理精密咸豐六年由吏員  
捐納從九品官分發廣西敘鄉團功加六品頂戴署北流縣  
雙威司巡檢七年正月容縣賊圍北流城源調鄉勇越援二  
月城陷源以孤軍退保隆盛墟繞道如州乞師知州命勦州  
之堀心賊旬日平之遂委署北流縣統兵勦賊自三月十一  
日至四月二十六日二十餘戰皆勝脅從之鄉咸震慄願殺  
賊贖罪源營逼城五六里兵久疲不敢進軍需窘乏辭縣回  
司知州仍以勦賊專屬源八年春二月賊結連容城二萬  
餘八道來犯源悉殲之道路無梗六月初五日克復北流士  
民益愛戴適縣令以憂去復署北流源遂撫瘡痍緩徵斂散  
誘惑旋實授潯州秦川鄉巡檢仍署北流九年三月總督勞

崇光檄源會鬱林博白陸川之兵勦賊大克之陷賊諸砦悉  
反正輸誠出練助餉北流得安十年春源以文敘久廢興復  
舊章延師課士幾於邑有絃歌矣賊不得逞合平南桂平諸  
賊來犯總督檄鬱林州全屬會勦六月州兵出守西山源出  
守旺芝塘各距北流城三十里爲犄角七月二十四日賊破  
西山州兵退源仍守旺芝塘賊悉眾攻旺芝塘連日鏖戰所  
殺過當然賊日多兵日寡或勸源且退師源不可督戰益力  
眾或恇怯則馳而前以身先之賊覘旗鼓慮然檄中其喉死  
時八月十四夜也源死部下悉潰旺芝塘士民以板盛源屍  
坎而埋之覆以土草賊恨源甚以鐵鈎鈎其屍出之並索黃  
三殺之黃三者初爲賊降源立功者也賊以竹篷捲源屍攻  
北流城五月不克乃昇源屍回容縣賊首范音謂眾曰彼作  
香山縣志卷十六 列傳 忠義 六

官人與我警殺分當然不如以官殮之待其來贖遂寘諸容  
城之外十一年十月北流士民以二百金贖其骸范音甚之  
裹以布置竹箱中如負販者始得出家人啟視其指甲皆捲  
向內事聞 賜卹廕子宗濂襲雲騎尉祀昭忠祠先是

源於死之前十日作書別其父並訓其子家事甚悉緘而不  
發死之夕乃以付家人源殉難後鬱林兵勇每臨陣猶設位  
禱之

胡慕超澳門人浙江布政使林福祥之甥咸豐四年從福祥  
官江西選充勇目有功給六品頂戴藍翎七年從福祥勦賊  
浙江有功補千總十一年十一月二十八日僞忠王李秀成  
陷杭州慕超力戰死

李天祥小欖人中道光丁酉科武舉揀選千總投營効力同



治元年署香山協左營守備二年調從水師遊擊賴鎮海勦賊陽江七月二十五日擊賊於陽江之十一墳陣亡

賜卹廕子殿梁龔雲騎尉祀昭忠祠

陳觀光字春山澳門人寓小欖河曲咸豐七年赴江西贛州充勇屢戰有功吉南贛甯道林福祥請給六品頂戴八年以把總儘先補用

賞戴藍翎十年九月賊攻豐城南昌

觀光從諸軍援擊圍解超補儘先守備同治元年四月領水勇駐防南昌從廣東巡撫耆齡援浙二年正月復陽溪縣城賊竄龍遊邀擊敗之升都司三年三月復杭州省城海甯桐鄉富陽餘杭諸縣以遊擊升用換戴花翎觀光自恃其勇視劇賊如犬羊常以一人戰數百賊五月偽康王法安鈞由浙竄閩竄粵觀光從延建邵道康國器軍追之抵潮州大埔縣香山縣志

卷十六

列傳

忠義

七

賊設伏叢箐中觀光帥二十餘騎遇伏起以戟刺其胷鈞其肺出之觀光猶戰且殿行數里乃墮馬賊追至刃交下死

賜卹廕子仕標龔雲騎尉祀昭忠祠

劉振伍南門人應募充勇從征廣西勇敢殺賊給頂戴咸豐十一年撥歸香山協營候補外委調赴浙江援勦著勞升補千總

賞戴藍翎從勦餘杭克復杭州府昌化縣升補

都司

賞換花翎同治元年夏五月調從領兵官康國

器赴福建防守邵武等處越江西境克復新城縣城又復福建龍巖縣城升補遊擊加參將銜四年夏四月攻拔梅林苦竹賊壘敗偽帥汪海洋解永定縣圍截殺偽侍王李世賢二十八日髮賊大集振伍逆戰於龍巖坑歿於陣事聞賜卹廕子兆爽龔雲騎尉祀昭忠祠

張見恩隆都人充香山協右營守兵獲盜給頂戴咸豐五年隨勦本境紅賊有功記名以外委補用從軍赴西江堵勦補本協左營外委把總十年奉檄帶兵會諸軍解四會城圍記名以把總遇缺儘先補用同治二年三月從水師提標遊擊賴鎮海勦賊陽江六月二十七日遇賊於平江墟見恩出戰歿於陣事聞 賜卹加贈千總銜廕子紹基襲雲騎尉

祀昭忠祠

李鍾祿南門人投効江南軍營有功給五品頂戴再從克復嘉興常州城以外委儘先補用 賞戴藍翎調隸狼山

鎮鄭龍彪部下充江蘇撫標水師營哨官援皖援閩援浙屢著勞績升補千總同治七年閏四月十九日卒於天生港軍營 賜卹廕一子入監以外委把總拔補

香山縣志

卷十六

忠義

列傳

六

劉元發東門人充廣東水師提標營伍從記名提督賴口口紅單船勦賊江南咸豐十年正月攻克九洲賊壘元發先登中火鎗傷手同治元年以殺賊勇敢防勦積勞超補千總六月擊退長髮賊揚防肅清以守備儘先補用並加都司銜回粵旋從副將賴鎮海赴浙江又從副將陳紹浙西巡鹽同治七年三月十八日追捕私鹽賊艇於寶沙洲大風覆舟死年三十五

李戊字祥光小欖人爲外委李雄光兵同治九年八月初七夜有賊劫下基坊觀音廟大巷戊奮勇先登擊賊礮轟受傷數日死將死猶呼殺賊云祀欖鄉義勇祠

楊郁隔田人同治中赴浙江軍營充勇從勦有功拔補儘先千總署黃巖縣石塘把總九年三月二十九日從黃巖鎮總

兵陳紹出洋捕盜戰歿事聞以千總陣亡例

賜卹廕

子龔雲騎尉祀黃巖縣及廣東昭忠祠

馮勝標造貝人應募充勇以軍功保舉遊擊加參將銜同治

九年從雲南統領官周平瑞勦新興州賊戰歿事聞

賜卹廕子龔雲騎尉俱同上

兵

陳翰元香山新甯人馬元彪俱左營咸豐三年十月初三日戰歿曾

亮彪新甯人戴文彪新安人四年七月戰歿李瓊春嘉應州人左營八

月戰歿俱在福建廈門馬次垣香山奈志揚新安人九月十

五日江西戰歿黃果齊新安人十二月江南戰歿陳炳綱甯

人余兆平新安人七年六月十五日戰歿雷進高香山人六

月十五日戰歿鄭漢星香山人左營六品頂翎儘先外委九年十月初一日

香山縣志 卷十六 列傳 忠義 九

戰歿俱在江南瓜洲李定安香山人左營六品藍翎同治元年八月二

十九日江南七里洲中礮歿鄭雁升香山人六品頂戴儘先外委十二月

初五日江南浦口殿後歿以上俱從香山協左營都司陳

國泰軍營採訪冊

楊月雄連元升何溶光俱香山人楊國順新安人咸豐四年六月

初九日戰歿俱在清遠莫佐龍新會人左營黃日高香山人七年

十一月十八日戰歿俱在封川縣祿步以上俱從香山協

左營把總戴朝元軍營

呂有成錢維升楊佐邦李聯芬鄭日光徐名得吳龍彪黃定

彪陳雄昌黃大彪陳彬禡亮昭鄭占標楊結朝郭善邦俱香山人

鄭廷芳新會人陳英揚陳萬彪林茂光俱新甯人劉振安新安人咸

豐四年閏七月初六日戰歿俱在封川縣余光成李燮元俱新甯人

甯人黃日宣楊叶恩黃錦陞楊聯芬歐元彪鄭殿安黃卿標鄺

渭洪巫嵩李玉麟鄭應全鄭鳳翔黃受恩林耀廷梁朝陞李

超俱香山人尹超羣東莞人同日戰歿俱在德慶州 以上俱從

香山協右營都司楊雄超軍營

李光歸善人何見清李升安林升亮黃耀宗俱香山人陳光華新甯人

陳燦安新安人黃其清香山人咸豐四年閏七月十二日戰

歿俱在廣西陽朔縣龍珠寨許星垣香山人七年五月二十

七日省河戰歿鄭錫瑤香山人九年正月二十五日廣甯大

良口戰歿 以上俱從香山協左營把總陞揚江鎮右營守

備許連陞軍營

黃文彪香山人記陳臨保新甯人咸豐四年閏七月十五日

隨署守備歐炳釗戰歿俱在港口毛兆龍香山人十月二十

香山縣志 卷十六 列傳 忠義

八日省河戰歿盧殿英番禺人六年四月初五日江南瓜洲戰

歿張錫光歸善人八年九月戰歿成懷仁歸善人十一月戰

歿俱在廣甯縣登名標鄺大勝六品藍翎把總吳靖邦甘定高李順

恩阮佑升黃國英黃廷楨羅明亮俱香山人余得光新甯人黃其彪

新甯人鄭鳳翔鄭鳳光陳朝安梁得勝楊彤亮余廷璋俱香山人

右九年四月十五日戰歿毛鸞升香山人八月初六日戰歿

俱在惠州長甯縣層坑 以上俱從香山協左營把總鄭椿

華左營外委黃順安軍營

鍾進彪歸善人温貴香山人盧廷華東莞人梁熊輝開平人十年

閏三月十九日戰歿俱在四會縣黃岡

張威揚香山人十年十月二十六日黃圃戰歿

鍾吉慶新甯人前山營步戰兵乙卯從都司黃彬江南十一

年十一月二十一日偵賊深入戰歿

黃臨高香山人二年三月十五日戰歿

潘瑞桂陳耀章陳得升李福祥高朝升俱香山人余靖海新甯人張

連升博羅人俱右營六月十五日戰歿李文勳關榮高鄭名高鄭朝

海林聯升黃福康劉定彪郭堯清楊應龍程茂光黃金聲俱

山人六月二十七日戰歿陳日暉馮有勝陳義悌楊國興黃

有俱香山人陳有章梅兆熊劉連彪俱新甯人何泰安鍾瑞芳謝名

亮繆作屏歐儒光俱香山人七月二十五日戰歿毛穎豐毛冠

翎俱香山人九月初三日戰歿俱在陽江縣以上俱從守備

李天祥遊擊賴鎮海軍營

劉國清香山人同治二年八月初三日浙江富陽縣戰歿

高連安香山人四年九月初三日福建南田石壘戰歿

香山縣志卷十六列傳忠義

壯勇

陳星漢小隱人頂侯華芳東門人李儀縣城人黎開泰何裕明潘

作堯何彩章何容朱中梁世發林金河俱張人張輝耀何宏發

郭彩華羅榮保李明俱長洲人郭志喜竹秀人方全西濠人吳財謙

第六人周長敬何結華陳富權高生利高長好陳開和郭廣順

黃明勞細俱澳人梁榮得梁榮養俱船人周發黎關勝何長有黃

德結葉根黃蒂俱船人咸豐四年閏七月十五日港口戰歿梁

若聖黃應禮俱長洲人蕭國宏下坑人林寬獲林信明俱大人梁權

金黃勝俱澳人余表紀新會人曾池新甯人八月十九日小欖戰歿

鄭漱經鄭華章鄭慶蘇恩俱東莞人縣城水勇五年正月二十二

日至磨刀海遇賊戰歿以上俱縣城局勇

張紹才后山人咸豐三年十二月二十一日從監生劉升庸捕

南村賊戰歿劉令一作劉運瀾俱山谿高華佳豪兔楊玉輝

申明人胡彥港頭黃孟輝沙尾郭恆升東門鄭進乾南門楊容

林壽俱縣四年九月二十七日太平沙戰歿劉光明劉廣祿

劉太臨劉乙俱山谿同治五年八月初五日賊劫本村出援

拒賊戰歿 以上俱隆都練勇

王松茂黃英和俱荔枝咸豐四年閏七月十五日戰歿吳瑞

揚御史潘斯濂吳錫揚俱漢黃緒林坑尾裏趙銳榮南門村

戰歿趙鼎禮潘奏作趙崇茂趙社同潘奏作高敬俱南門村

亞敬黃源安潘奏作黃就雲俱虎林立蕃馬山人龔廣就紅

立命林道均俱馬梁志道乾霧人徐朝進龍耳人黃元

香山縣志 卷十六 列傳 忠義

旺芋葵人潘張獎鏞荔枝山人潘鍾汝斗縣城人潘楊百福

歿趙華振潘奏作趙保謙俱南門村吳景揚漢坑黃龍喜

荔枝人曾表雲斗門土城人林天培泥灣黃發立石嘴梁統富

埔人莫敬赤水余表春上洲林禮儀安堂李沈芳大嵐李秩

榮大嵐人潘方信欽西濠周朝安龍頭馮聯大林邊蕭嵩南

作松嵩蕭解開隆都九月初九日戰歿俱在小濠涌鄧世平

大黃楊十一月初六日戰歿謝茂輝潘奏作賴配宏俱白蕉

沙墟義勇祠 以上俱黃梁都勇祀本都龍

林官勝大浦咸豐四年閏七月初五日戰歿朱桐石門十六

日戰歿陳乾萬水塘林贊沙柵湯盡坑裏劉年山谿二十七

宏作浦 十三日戰歿俱在本村

日戰歿湯珍坑裏人 八月初十日戰歿林森大浦人 同日戰傷十

七日歿伍才南村人 九月二十五日戰傷踰日歿俱在省城三

元里

李厓浦邊人 閏七月二十七日戰傷八月初二日歿蕭如大浦人

二十七日戰傷九月二十一日歿蕭義南文人 馬美秀竹頭人 雷

結興浦頭人 九月初五日戰歿馮禮龍聚人 同日傷十一月十三

日歿馮就龍屯村人 王勤浦頭人 初六日戰歿蔡永泉山谿角人 高棉

豪免人 吳養大曲浦人 李冠城西人 初七日戰歿方勿西濠浦人 同日傷

踰三日歿方良弼隆都人 初九日戰傷踰七日歿朱昌發北台人

十三日戰歿蕭長勝秀美園人 雷道昂沙浦渡頭人 十月十八日戰歿

俱在省城牛欄岡

阮穰象角人 九月二十七日戰歿林祿就下坑人 十月初七日戰

香山縣志 卷十六 列傳 忠義

歿林燦江安堂村人 九月三十日戰歿張開根浦頭人 十月十四日

傷初一日歿蕭智超南文人 十月戰歿譚賢光金角環人 林茂沙棚下人

方保濠浦人 十月十八日戰歿俱在省城佛嶺市

林富有安堂村人 八月三十日省城堂下戰歿阮祥貞象角人 同日

戰傷踰三日歿

林有喜大浦人 六年二月二十五日海豐縣南門戰歿鄭和北門人

同日戰傷踰日歿

林朝安堂村人 黃煥禮沙溪墟人 九年正月初六日戰歿林彪沙棚下人 初

七日戰歿俱在廣甯縣銅鍋洲仔

阮玉麟象角人 蕭日大浦人 楊秀龍聚環人 梁培何大俱坎下人 林祐

西門長 正月十一日廣甯銅鍋茅坪戰歿彭就阮佑輝俱象人

林廷興林成安林用輝俱安堂村人 李能大嶺人 楊香申明亭人 林和街人

人吳啟大邊人李贊李兆青俱李屋邊人二十五日廣甯縣上塆

戰歿伍志南村人王第廷西石門人二十一日廣甯縣李仔坑戰歿

伍標南村人六年二月初十日積勞病故林有第大浦人三月二

十八日病故俱在惠州軍營

林福熙大浦人省北縣賊加六品頂戴沙灣楚塘陳頭鄉賊賞戴藍翎四月十五日病故

李世寬南門人八月初六日病故林寬彭大浦人十二月二十一

日病故伍百強南村人七年正月二十一日病故盧德員峯人二

月二十日病故毛允升南門人二月二十五日病故鄭斗東坑人

鄭賢大鵬頭人四月十八日病故黃烟長洲人六月二十七日病故

林結大浦人十月二十二日病故林開益大浦人十一月十二日

病故林金富石井人八年五月十七日病故陳合虎浦人七月初

十日病故黎維張溪人七月十六日病故鍾斗石岐人九年正月

香山縣志卷十六列傳忠義

二十八日病故俱在省北軍營

陳泰來岡背人四年十月十八日戰歿林卓翹沙棚下人十一月十

七日戰傷踰日歿王義石門人十二月初七日戰傷五年二月

十七歿俱在省城河南

林弗隆都人梁年龍聚人黃尊長洲人六年十月初六日省城戰歿

梁扶梁平俱坎下人鄭廣西石人黃妙欽街人十一月十四日省城

北門戰歿區執林楹梁大街人七年正月十七日獅子洋戰

歿陳悌象角人鄭煥廷龍聚人郭官第柏柱人五月初三日省城南

關水營戰歿林學羣石井人楊本牛起人李業黃免俱縣人初十日

蟾步口戰歿鄭惇臨雁頭人七月二十八日省北七星岡戰歿

林寬丕安堂人林歐象角人黃大勝鰲街人十一月十三日省城東

門外戰歿林潤彬林寬阜俱安堂人六年十一月十四日省城



北門戰傷潤彬八年正月二十一日歿寬阜二十三日歿鍾

啟業高龍京俱坎人鄭三樂大雁頭人張活申明亭人雷玉沙浦渡頭人八年

六月初十夜省城西門戰傷踰三日歿蕭金大浦人林頃下坑人

黃秦長洲人陳洛南門人六月初十夜省城西門戰傷蕭林黃二

十日歿陳二十一日歿 以上俱從紳士林福盛充勇

方祥城內人六品藍翎儘先千總咸豐間江西戰歿

鄭啟科雍陌人八品頂戴韋受韋魯威吳甜俱翠微人梁富南界浦人柳載賢

茅灣人李彥黃梁都人鄭德聚隆都人梁寶光坎下人梁祐矩坎下人梁廣

元梁懋俱石岐人咸豐元年七月初十日戰歿俱在廣西桂平縣

新墟 以上從韋允升軍營

陳得初蕭羣英鄺廣源鄺敬泰鄺錦華黃天桂楊容輝黃雲

光楊兆標劉闢俱香山俱香山人四年閏七月十二日戰歿俱在陽朔縣

香山縣志 卷十六 列傳 忠義

龍珠寨

梁添五桂山人三年上海東門戰歿

鄭蘭雍陌人八品頂戴三年梧州戰歿

郭杏敬小濠浦人四年七月初一日封川江口戰歿

連七葉桂李倫谷周瓊瑞七月初七日省河胥江石角戰歿

林明陳國寬俱象角人閏七月十二日觀音沙戰歿

林春明大浦人十六日上閩戰歿

余乾芳疊石人二十四日礮臺拒賊戰歿

鄭維鏡大柏山人二十六日東濠礮臺追賊傷踰日歿

蔡文理南門人六品頂戴蔡蒂東門人六品頂戴二十七日省城北門外戰

歿

阮兆成阮品光阮百勝阮妙生俱象角人九月二十九日本村口

戰歿

鮑瞻威山場人四年海賊劫其鄉率鄉人拒鬪歿

朱亢成蔡配賢俱張溪人五年正月二十一日賊寇上聞敗之亢

成等與鄉勇泗海奪其船賊燃礮反擊中亢成配賢被刃並

墮水歿

劉文貴一作譚蕭姓得勝許明俱香山縣人五月瓜州戰歿

鄭金雍陌人五品藍翎六年七月十八日江南丹陽縣戰歿

袁昌杰袁益祥俱海洲人五月十五日海洲戰歿

屈阿養十年閏三月江南戰歿

程祖明城內人八年七月十三日戰歿鄧秉楨七月十五日戰

歿俱在陽山

彭仲倫阮根祥俱象角人東鄉欖邊局水勇十年九月初四夜蔡

香山縣志 卷十六 列傳 忠義

村拒賊戰歿

梁寶光坎下人同治二年七月戰歿陳得升楊元福九月初一

日戰歿俱在陽江

王祥白石人三年冬拒海賊申鎗歿

羅韶安魚弄村人徐信如聖堂人李三德鍾通俱雅壑人陳崇謀南山人俱

三窰義勇五年三月初四日攻北水賊梁洪朋戰歿

譚容黃欖坑人五月初一日梁洪朋劫其鄉容帥鄉人拒賊戰歿

卓恭華卓恭旺黎奕賢俱黃梁都橫嵐村人同治七年十二月海寇劫

其鄉拒賊戰歿

鄺葵鄺賢鄺濃鄺敬幸鄺勝照鄺福祥俱小濠涌人從六品頂戴鄺如陞克復松江府城有功再復金山縣九年二月泗涇涿涇戰歿

廣甯林等處再加五品頂戴

何舜龍一名舜畝李芳華俱坑人九年十二月初三日趙家圍新香交界

曹涌賊 老巢 勦賊戰歿

趙穰業趙懷年俱大赤坎人十二月十三夜黃麋門拒賊戰歿

黃嗣華羅偉雅羅榮羅林大何亞進曾威光何華享趙達

衢俱六人十二月十九夜漕涌賊劫焚六窰村拒賊戰歿

毛炳北門巷前人同治十三年八月二十九夜賊劫蓮笏街黃家

遇賊鬪死俱同上

鄭修廣河源戰歿鄭連彪以擒獲賊首大鯉魚後於咸豐三

年七月二十四日為其黨所戕按鄭修廣據採訪冊無年

此

香山縣志

卷十六

列傳 忠義